



Inatsisartuni ilaasortaq,  
Jens-Frederik Nielsen, Demokratit  
Maani/

### **§ 37 naapertorlugu apeqquteqaammut nr. 156 piujuartitsinermut tunngasumut akissuteqaat**

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, piujuartitsineq pillugu. Apeqqutitit uanga suliaasaqarfisannut akisassanngortinneqaarsimapput.

#### **Ad 1. Aalisagartassanut qaffaanerit qassit Naalakkersuisut akuerisimavaat april 2021 qinersereernerup kingorna?**

Akissuteqaat:

April 2021-mili Naalakkersuisut qaffappaat (ull. Novembarip 22-ani 2021):

- a. Qalerallitassat;
  - o 900 tons Upernavik-mi,
  - o 77 tons Sisimiut-Maniitsoq-milu.
- b. Saattuartaassat;
  - o 100 tons sinerissap qanittuani Nuuk-Paamiut,
  - o 100 tons Avataasiortuni Nuuk-Paamiut,
  - o 100 tons Qeqertarsuup Tunua-Uummannaq,
  - o 150 tons sinerissap qanittuani Sisimiut.

#### **Ad a. Qaffaanerit taakkuninga biologit innersuussutaanniit qaffasinnerusimappat?**

Akissuteqaat:

Qalerallitassat 77 tons-imik Sisimiut-Maniitsoq-milu qaffanneqarnerat ilisimatuussutsikkut siunnersuinerup iluaniippoq. Pisassat pineqartut 223 tons-iupput 300 tons-inullu qaffanneqarlutik. Sisimiunut Maniitsumullu Kalaallit Nunaata Pinngortitaleriffianit ilisimatuussutsikkut siunnersuutigineqartuni inassutigineqarpoq 2021-mi qalerallit pisari-neqartut 300 tons-inik amerlanerussanngitsut, piujuaannartitsineq tunngavigalugu. Imm. 1-imi pisassanik qaffaanerit eqqaaneqartut ilisimatuussutsikkut siunnersuutigineqartunit inassutigineqartunit annertunerupput.

#### **Ad 2. Naalakkersuisut isumaqarpat, piujuartitsilluni aalisarnerusoq, ilisimasallit innersuussutaat malinngikkaanni?**

Akissuteqaat:

Taaguut "piujuaannartitsinissaq siunertaralugu aalisarner" tassaavoq aalisakkaat piujuaannarnissaat, aningaasarsiortuarsinnaaneq aammalu inuit susassareqatigiinnerisigut piujuaannarnissaat. Ilisimatuussutsikkut siunnersuineri aningaasanut inuit susassareqatigiinnerisigut tunngasortaat ilanngunneqartanngillat. Naalakkersuisut immikkuualuttut pineqartumut attuumassuteqartut ilanngunniartarpat.

Ulloq: 25-11-2021  
Suliap normua: 2021 - 20557  
Akt normu: 18543831

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

### **Ad 3. Piniarnerup iluani pisassiissutininik qaffaanerit qassit Naalackersuisut aku-erisimavaat april 2021 qineersereernerup kingorna?**

#### **Akissuteqaat:**

Apriliimiilli 2021 Naalackersuisunit qaffaavigineqarput:

- c. Tunumi qilalugaq qernertaq;
  - o "Ittoqqortoormiit" 5-nik qaffaavigineqarlutik aammalu,
  - o "Tasiilaq" 15-inik qaffaavigineqarluni.
- d. Aqutsiveqarfik "Qaanaaq" qilalukkanik qernertanik 20-nik qaffaavigineqarpoq.

Immikkut pisassiissutigineqartut sinneqassagaluarpata taakku teknikkikkut 2021-miit 2022-mut nuunneqassanngillat.

Tamatuma saniatigut 2021-mi killilersukkanut nalunaarutigineqareersunut pisassiisutaareersunut allanik pisassiissuteqartoqanngilaq.

Novemberip 22-iani 2021 pisanik nalunaarsuineri tigumasatsinnit immikkut pisassiisutiniit sulii pisaqartoqarsimaneranik nalunaaruteqartoqanngilaq.

Ilanngussamut takussutissianut nalinginnaasumik pisassiissutigineqarsimasunut, pisasseeqqittoqarsimappat kiisalu pisaasimasut, taakkununga ilanngullugit pisassiissutininik nuussisimanermut paasissutissat imaluunniit ukiumi pisassiiffiusumit ukiup tullianut pisassiinermi ilanngaatiit pillugit innersuussutigissavakka. Eqqartorneqartut tassaapput immikkut pisassiinernik aalajangernerit, taamaattorli aamma pisassiissutininut tunngasuni nungunngitsuineriimut tunngasunik unammilligassaqaarneq, assersuutigalugu Kitaani qilalukkanik qaqqortartassat.

### **Ad a. Qaffaanerit taakkuninnga qassit biologit innersuussutaannit qaffasinnerusimappat?**

#### **Akissuteqaat:**

Pineqartut tamarmik. Qaanaaq eqqarsaatigalugu nalinginnaasumik qilalukkanik qernertanik pisassiineq ilisimatuussutsikkut siunnersuineq naapertorlugu ukiumut 98-nik amerlassuseqarput. Taamaallilluni 20-nik pisasseeqqinnermi ilisimatuussutsikkut siunnersuutigineqartoq pisassani pineqartuni sipporneqarpoq.

Tunumi "Kangerlussuaq" ilanngullugu qilalugaqatigiinnut pingasunut tunngatillugu ilisimatuussutsikkut siunnersuutaavoq pisassat 0-nissaat. Taamaattumik ilisimatuussutsikkut siunnersuineq, December 2020-mi aammalu Oktober 2021-mi immikkut pisasseeqqinnerit amerlassusaattut, sipporneqarpoq.

### **Ad 4. Naalackersuisut isumaqarpat, piujuartitsilluni piniarnerusoq, ilisimasallit innersuussutaat malinngikkaanni?**

#### **Akissuteqaat:**

Taaguut "pijuuaannartitsinissaq siunertaralugu piniarneq" tassaavoq uumasut pijuuaannarnissaat, aningaasarsiortuarsinnaaneq aammalu inuit susassareqatigiinnerisigut pijuuaannarnissaat. Ilisimatuussutsikkut siunnersuineri aningaasanut inuit susassareqatigiinnerisigut tunngasortaata ilanngunneqartanngillat. Naalackersuisut immikkualutut pineqartumut attuumassuteqartut ilanngunniartarpaat.

Naalackersuisut paasinninnerat naapertorlugu taaguut "immikkut ilisimasallit", aamma "inuussutissarsiutigalugu piniartut" tassaasut nalinginnaasumik ullut tamaasa ukioq kaajallallugu piniariartartut aammalu uumasunik malinnaasut imaluunniit uumasooqannginneranik, ingerlaarfiinik, neriniarfiinik assigisaanilluunniit malinnaasut. Taakkuupput uanga isinnit aamma "immikkut ilisimasallit", soorlu aamma taamatut biologit eqqarsaatigalugit. Piniartut ilisimasaat uanga Naalackersuisutut pineqartunut issianinni, pingaaruteqartorujussuupput. Piniarneq aallaaniarnerlu pillugit Inatsisartut Inatsisaanni §

2, imm. 3 aamma 4 naapertorlugu piniartut atuisullu ilisimasaat ilisimatuussutsikkut siunnersuinerup saniatigut, ilanngunneqartussaapput, Naalakkersuisut aalajangiiniarneranni.

Piniartut ilisimasaat tamanut tusarniaanerni ilanngunneqartarput taakkulu isummiutaat aallaavigalugit Naalakkersuisut pisassanik annertussusiliisarlutik.

**Ad 5. Naalakkersuisut suliamut allanik soqutinaatilinnik paasissutissiisinnaappat?**

Akissuteqaat:

Naamik.

Inussiarnersumik inuulluaqqusillunga



Aqqaluaq B. Egede

Aalisarnermut Piniarnermullu Naalakkersuisoq